

四庫全書

子部

欽定四庫全書

子部  
圖書編卷六十一

詳校官中書臣孫衡

主事臣祁韻士覆勘

總校官進士臣朱鈺

校對官主事臣陳墉

謄錄監生臣張維藩

繪圖監生臣董椿

欽定四庫全書

圖書編卷六十一

明 章潢 撰

東嶽總序

粵稽重華谷牧肇州封山濬川蓋曰地有名山大川  
則國為之重乃若名山莫重於嶽莫尊於岱而巡狩  
柴望亦獨先之是故宗稱於書瞻詠於詩鎮於禮書  
於春秋下逮子史百氏擴其功用出震配乾豈徒以

盤礴崩劣矣乎况我國家定鼎燕冀實惟茲山雄峙  
於東侈形勢壯輿圖以奠王畿國計漕源亦維茲是  
賴宜有以志之是故探賾索隱以彙經籍之文發山  
川之秘首之以泰嶽而峰巖水石諸名勝附焉猶之  
言天而不外乎日月星辰言海而必及乎蓬瀛桑碣  
將使遐方之人亦得而盡覽之卧遊乎洞天福地必  
有曠心逸度默契吾夫子之所以小天下者矣





山東濟南府山曰泰山

泰安高四十餘里見東嶽函山城南泰山北麓龍

洞山

府東南山如重巖土有東西二洞西洞深透一里東洞出萬仞絕壁之上又有翠屏巖獨秀三

秀峯龍洞

鬻山

章丘鄭玄注書於此大峪平夾谷淄川即齊魯會盟處長

黑龍潭

白

長山抱朴子曰即泰山副嶽鱗江源自此山高二千九百丈周六十里雲雨長白醴泉寺即范仲淹

讀書

方山

長清即水經玉符山峭壁中有二石孔陶山

肥城范蠡浮海出齊止此

石閭

泰安漢封泰山禪處

亭亭

梁父

云云

俱泰

安

宮山

新泰原山

萊蕪淄水出其陰汶水出其陽

馬谷

海豐

日觀峯

泰山頂東

鷄鳴時見日出高三丈

龍堂洞

章丘縣南有東西二洞東高廣深邃有卧龍跡旁一石卓立如

柱西深可數里有泉自上滴  
下有石盆盛之四時不竭

**趵突泉**

濟南名泉七十  
二趵突為上金

綠珍珠  
次之

**兗州府山曰曲阜**

一名尼丘山孔子應禱所生之地  
五峯連峙今其麓有宣聖廟中和

壑西南有觀川亭  
遺趾東有坤寧洞

**甌山**

東城

**雲山**

寧陽

**鳧山**

鄒縣形如鳧  
飛南有呂公

洞世傳伏羲畫卦於此故  
土人呼其處為八卦山

**嶧山**

峯巒秀特洞窟玲瓏  
石門孔穴相通謂之

嶧孔秦始皇刻石頌德禹  
貢嶧陽孤桐即此山也

**昌平**

鄒孔子生於此  
昌平鄉即此

龜蒙  
即此

**桃山**

滕  
上有梵王太子廟有盤陀石悟真  
有丹陽白雲黃龍青龍觀音諸洞

**君山**

嶧縣

**陽山**

金鄉

**棲霞**

單

**文亭**

武城

**曹南**

曹州即詩  
南山朝躋

**景山**



曹縣即詩景山與京  
髻山定陶兩城濟寧  
郗山嘉祥金鄉野  
獨孤城黃

華東平蜀山汶上穀城東阿即張良  
孔子平陰梁山壽張艾山

沂龜蒙山禹貢蒙羽其藝詩奄有龜蒙居魯東即  
孟子所謂東山論語所謂東蒙是也  
大

沫洞根盤三十里壁立聳霄若鉅柱之撐大厦  
鉅野澤即禹貢大野既猪周職方藪曰大野

東昌府山曰荏山府城歷山舜廟  
陶山館陶禹貢陶丘西山恩

弇山草古蹟姚墟濮東南掖神契曰舜生于姚墟應卽曰姚墟與雷澤相近

青州府山曰雲門城南牛山臨淄愚公山東有愚公冢北有愚公谷商

山高孤山昌樂伯夷北海沂山臨朐周禮青州之鎮曰東泰山即此仰

天山

記云仰天勝絕甲于東方又云自臨胸歷五井而西捨井山行如錦屏者二十里又云禮觀音

像謁豐濟祠探黑龍淵息白雲洞聽水簾之潺湲望陂門之屹嶻真奇境也

岵山

安丘瑯琊

諸城即齊景欲觀者

九仙山

蘇軾云九仙在東武奇秀不減雁蕩

百丈崖

在沂山東鎮廟

西壁立萬仞形如斧削路皆蒙翳有泉自山巔而下灑若飛雨曰瀑布泉宛有廬山之勝喬宇冢百丈崖

三字剌于巖壁

蒙陰

陰

浮來

莒州

文峯

沂水

孤奎

日照

絲山

山形陡絕懸溜

浸石如絲縷狀絲水發源于此

大峴

即穆陵關其山峻險僅容一軌故為齊南天險

獨山

臨淄

齊風遭我乎徂之聞兮即此

水簾洞

在雲門山之陰中有泉清冽常枯旁有石洞六石枕九又

仰天山亦有水簾洞泉

登州府山曰羽山

府城東南即書經鯀

萊山

黃縣封禪書萊為陽主

之罘

福周圍五十里三面瀕海史記始皇登之罘刻石紀功武帝至此聞稱萬歲兩石銘尚存

丹崖山

府城北二面石壁巉巖上有蓬萊閣及半山獅子南十三洞秀麗奇絕為一郡山冠

珠磯巖

在丹

山下石壁千尺水中小石狀若珠璣

沙門島

城北海中六十里凡海舟渡遼者必泊此以避風又

有鼉磯亭羊大竹四島海市見城多在五島之上又島中多產美石

齊山

招遠巨嶧山樓

五龍

萊陽山下五水合流入海

大崑崙

寧海有大白嶺烟霞洞秀拔冠羣山即崑崙

文

登

文登始皇集文士登此論功德

成山

文登封禪書成山為日主

名石山

成山東海

牛島

文登北海中又海驢島與此島相近

五壘山

文登南北成行入海如壘又南石門山兩

石聳立如門今按文登有鐵查山東連斤山甚奇秀圖經弗載何歟

萊州府山曰塞同

城東一名神掖水出焉

神仙洞

府城東南十五里有洞七

曰虛皇三清五祖六真長生拔雲靈官又有神仙石像四十九數

金泉

吾度之萊山北

五十里東連大澤御駕明堂諸山多秦篆懸崖斷莫能辨

天柱山

絕頂巉巖聳立如柱孤山

維夷齊廟在

陸山

昌邑霍光封此

膠山

膠山膠水源一名鐵掖

礪阜

高石城

即墨淮涉

不其

漢鄭康成教授此山

勞山

濱海山有二其一高曰大勞山其二差

小曰小勞山二山聯屬高二十五里周圍天井山

上有一井極甘故名北三山

萊州北漢志蓬萊方大瀛洲此三神山者在渤

海中豈海岸  
之三山也  
萬里沙  
夾萬歲水兩岸  
沙長三百里

### 遼東山附

首山

都司西南山頂平石上有掌  
指之狀泉出其中挹之不竭  
輝山 瀋陽層巒疊嶂為諸山之

冠又有蛇山狼山黑山  
山中子山皆在衛境  
醫巫閭山 廣寧舜封十有二山  
以此山為幽州之鎮

自是遂為北鎮其山掩抱六重故又名六山上有桃花洞中可容五六人又聖水盆三其水自懸巖下瀉

雖冬不冰又有仙人巖飛瀑巖山下又有呂公巖  
大團山 寧遠中高四百四丈守之可斷北方

出沒  
之途  
長白山 三萬衛東北橫亘千里其巔有潭周八十里淵深莫測南流為鴨綠江北為混

同  
江  
桃花島 寧遠濱海  
孤石 廣寧此立海中高百餘尺  
漕舟泊此  
周圍三十餘步上有仙石

棋盤下有  
黑石棋子

歷山

府南五里一名舜耕山古有舜祠曾南豐齊二堂記  
云舜耕歷山漁雷澤陶河濱作什器於壽丘就時於  
負夏鄭康成釋歷山在河東雷澤在濟陰負夏在衛  
地皇甫謐釋壽丘在魯東門之北河濱在濟陰定陶  
西南陶丘亭是也以余考之耕稼陶漁皆舜之初宜  
同時則其地不宜相遠孟子又謂舜東夷之人二家

所釋雷澤河濱壽丘負夏皆在魯衛之間東方之地  
歷山不宜獨在河東在齊者是也世因河東雷首山  
一號歷山為水所出舜娶堯女所居遷就附會謂歷  
山為雷首之別號不考其實由是言之則圖記皆謂  
齊之南山為歷山舜所耕處故其城名歷城為信然  
也或者不此之論乃備陸魯望象耕鳥耘之辯可見

其贅

龜蒙云世謂舜田歷山象為之耕鳥為之耘聖  
德感物非也蓋耕者行端而履深似象步耘者

舉疾而畏  
晚如鳥咏

通典云山有太甲冢未詳歷山南屬泰山

東連瑯琊崇岡疊嶂脊脉下斷欽嘗有詩云濟南山  
水天下無晴雲曉日開畫圖羣山尾岱東走音奏海鵲  
華落星青照湖此濟南山勢也

長白山

長山縣南三十里太平御覽云長白山者因此山雲  
雨長白故名西南又有太湖山二山並有石室敗漆  
船上有記皆謂堯時物元和志云於陵城西長白山  
高二千九百丈周六十里昔陳仲子夫婦隱此宋范



文正公讀書寺中

九仙山

密州東南百二十里坡云九仙在東武奇秀不減雁蕩所謂九仙今已壓京大是也

龜蒙山

魯頌閟宮曰奄有龜蒙遂荒大東傳曰龜蒙魯國二山也龜山近魯在今費縣西北七十里後人指為蒙山者山頂宛如龜形名不虛得夫子龜山操曰余欲

望魯兮龜山蔽之韓退之擬曰龜之大兮祇以奄魯  
則龜為魯之大山明矣蒙山在龜山東二山聯屬長  
八十里禹貢之蒙羽論語之東蒙正蒙山也先王封  
顓臾為附庸之君使主蒙山祭山在東故曰東蒙後  
人疑於東蒙之說遂以龜山當蒙山蒙為東蒙而隱  
沒龜山之本名夫魯人頌其本國之山川辭必審矣  
故今定蒙山為龜山東蒙為蒙山以復古焉帝王世紀少昊  
自窮桑都曲阜註謂窮桑在魯東蒙山屬魯地未知果否龜山下有古顓臾城山

前玉虛宮唐仙人賈神翁所建有英烈昭濟惠民王

祠即顓臾也山西南十里餘有漏澤澤有五穴春夏

積水秋冬漏竭將漏之時有聲居人扈穴取魚隨種

麥比水至麥已收矣

費縣廨有唐大中間校書郎李潛漏澤賦并序石刻宋至和間

出于泥中今斷裂為二在醉翁亭記碑旁醉翁碑者歐公同時人蘇唐卿為費縣宰篆記文刻石立于此

并刻歐公往復手帖皆精蒙山前陽口村有玉皇廟相傳老萊子

故宅也陽口亦山名

羽山

地記舊在胸縣西北九十里今屬沂州東南百二十里殛鯀山也前有羽潭一名羽池左傳鯀化為黃熊入于羽淵即此淵

君山

一名抱犢山嶧州六十里述征記曰承縣君山有抱犢固壁立千仞去海三百里天氣澄明宛然在目山上有池深纔數尺水旱不增減平田數頃昔有隱者王老抱一犢于上耕種後遇異人仙去故以名焉漢

曰樓山魏號仙臺其高九里周四十五里然今嶧州  
城北別有仙壇山亦奇秀豈即仙臺而誤為君山所  
掩邪

夾山

嶧州北七十里通典東海懷仁縣有夾山即夾谷也  
左傳定公十年公會齊侯于祝其實夾谷孔子相漢

縣祝其

石屋

泰山東行三四里無復溪徑披蒙茸攀巉巖偃偃而上愈進愈險下瞰嶺崖驚汗浹背又三里盤旋轉一岡而石屋在望矣有羽士迓於青松絕壑間前牽後擁迺獲躋焉矐目縱眺上有削鐵竒峯千朵前有夷地可半畝入其中窈然深朗然虛明石竇涓涓凝結玉柱大十圍高丈餘晶瑩可鑒崖有元君手印玉指宛然後有石床則元君偃息處左偏一竅透絕頂頂有石樓可坐三四人水滑不能升躋攀數蹬而下力

疲卧石床毛骨灑灑旁有聖水池清冽而甘不盈不涸下有石曰牛心甚竒怪又下有洗鶴灣深不可測鶴鳴於上似與人聲相應和真仙境也遊泰山者每以道左日窮為畫於斯罕到孰知石屋之多竒

### 標山

綽然亭西四三里有雙山曰標各廣四十畝童無樹林東西並峙皆青山疊矗勢陂陀可步而上按圖輿經無其名蓋土人以旁無他山惟此石標可望故以

名之其上有洞如屋可避風雨始登若小勞既戾其上神超氣逸身欲羽飛環視衆山手若可即其聯巖屬巘盛於東南而微殺於西北諸支流之水縈絡交碧練橫繩引析而復合蓋郊外可登眺者莫此勝焉

龍洞山

山如重甌上有東西二洞邃深一里許東洞出萬仞絕壁之上洞口釜鬻尚存烟火之跡如墨昔人避兵引絙以上中心有泉不知其深幾許又有翠屏巖獨



秀三秀峯峯側又有龍洞禱雨輒應宋封靈虛宮下有黑龍潭懸珠泉俱近洛口九域志又云禹登山謂禹治水嘗登此

### 雲門山

府城南五里上方號大雲頂有通穴如門可容百餘人遠望如懸鏡泉極甘冽崖壁上銜蚌殼結石相傳海田所變如沈存中筆談載大竹山崖螺蚌石子橫亘如帶之類齊地尤多又有碎石子或間瓦礫凝結

作石殆不可曉蓋蚌石雜沙土凝者水所積也石子  
自凝成石者氣所化也豈天地之終萬物皆碎為塵  
及其開闢漸復凝聚元氣渣滓中融化未盡者猶有  
其質耶以理逆之無足怪者雲門之東曰劈山山峰  
分裂如劈古名劈頭山西則駝山三山聯翠障城如  
畫

瑯琊山

密州東南百五十里齊景公放於瑯琊即此吳越春

秋越王句踐徙瑯琊立觀臺以望東海秦始皇廿八年南登瑯琊大樂之留三月徙黔首三萬戶於臺下立石頌德御覽云碑有六百字可讀臺側有四時祠臺上有神泉人或污之即竭漢於此置瑯琊縣武帝亦嘗登焉隋開皇十六年於此置豐泉縣大業初復為瑯琊唐省之今山下井邑遺跡猶存登山石道如故土人名曰御路

### 艾山

棲霞西北三十里山前溫泉可浴按棲霞縣本以山  
得名曰百澗北曲方嶺唐山靈峯覆甌積金芝陽公  
山碁山磁山哈壚山哈壚在福山南岨嶠山不能具述大抵  
環縣皆山耳宋李常云吾州有重巖疊嶂不可名狀  
信然

鄒嶧山

嶧之為山雖非名嶽巨鎮其洞府玲瓏巖竇崎峭千  
態萬狀他山之秀未必可竝道家所謂洞天此非其

一歟頃導江張先生題嶧山詩云淮堧有葛繹其陽  
孤桐生地里殊迥隔山名難混并蓋謂此山去今徐  
地遠非禹貢所載嶧陽孤桐之山也竊嘗考之書曰  
海岱及淮惟徐州詩閔宮云保有鳧繹奄有龜蒙遂  
荒徐宅春秋文公十三年杜預註云嶧山在鄒縣北  
今山之西南有村曰故縣疑其為古鄒縣也唐杜佑  
通典云故鄒國城在縣東南周圍四十里上冠峯巒  
下屬巖壑窮險勝景有鄒嶧山宋逸齋王氏詩補傳

云鳧繹二山皆徐國之地繹與嶧同李迂詩解曰  
保有鳧繹之繹即禹貢所謂嶧陽也陳大猷書解旁  
註薛氏云嶧山在襲慶府鄒縣此山始無土壤故山  
陽孤桐可貴程氏春秋分記嶧山在鄒縣東南三十  
里高秀獨出太平御覽嶧山事迹引爾雅曰鄒嶧純  
石相積連屬而成山鄒山記云鄒山古之嶧山也孤  
桐之所植邾文公之所卜山下是鄒縣本是邾國魯  
穆公改鄒山從邑變故謂鄒山嶧陽猶多柏樹

之累山

在福山縣東北三十五里連文登縣界周圍五十里  
三面瀕海史記秦始皇登之累刻石紀功郊祀志齊  
有八祀之累為陽主漢武登累山聞稱萬歲即此其  
東南海水中有一石俗傳武帝造橋有雨石銘尚存  
歐陽修云古秦篆遺文纔二十一字曰於久遠也如  
後嗣焉成功盛德臣去疾御史大夫臣德其文與嶧  
山碑泰山刻石二世詔語同而字畫皆異惟泰山為

真李斯篆爾

鰲山

鰲山一曰勞山有大勞小勞齊記謂泰山高不如東海勞始皇登勞盛山即此以勞於陟也在今即墨之東南四十里東西南直距海上山形延亘若城雉峯起如堞縱橫高卑直突旁擁相系凡五百餘里其竒峯怪石不能以狀崩崖幽谷深巖絕壑峻嶺曲崦不盡以名棲禪鍊真靈異之蹟不可以徧土人以峯名



峒山多因名嘉靖癸巳秋余按縣至自膠聞藍侍御  
王夫悉山之勝云土人不易到不能自遣與王夫出  
東郭三十里由三標山出海上蒿莽中十里纍纍數  
丘一高起曰鶴山至則攀陟亦峻石崿岈磊砢憑藉  
為磴松多偃枝古幹夾石而上一道宮曰通真庵後  
有洞傍巨石鏡道人丘長春大書鶴山洞余亦勒同  
游歲月熬之東麓也西南諸峯插天橫亘數重望之  
若劍戟羽鏃森列而恍然若雲並海濱東南行二十

里山皆巉巖一峯深秀多長松怪石由叢石厓塊轉  
折成路至獅子巖下有臺宇乃宋太平宮也巖側有  
三石結架如戶出其上時夕陽在峯頂海濤撞激直  
至峯下是夜宿道人居夜半月色潮聲不能寐起坐  
臺際雞鳴與玉夫登巖見日自海隅湧出雲霞異色  
海氣蒼漭日光浮金萬里世之大觀也是日巖下題  
石門曰寅賓巖壁大書一詩從宮之南渡飛仙橋尋  
白龍老君華陽諸洞降嘯乘小兜從者徒步緣海灘

亂石間行轉入山麓遵海而東歷番眼嶺下臨不測  
屢策杖惴惴由惡水河亂石灘皆海濤中行山迴從  
蛟龍嘴歇肚石黑松林皆山腹處極險非人跡所至  
有下清宮在山之隅不能至從黃水灘西北入山中  
凡三十里始有人居就樹下飯由山徑歷黃山峒黑  
山峒觀音崦皆矗起數百仞極奇秀又三十里入羣  
岫間北峯峻極山半隱隱臺殿至則巉削攀絕僧垂  
木階下乃援而升上有石洞額大書明霞洞大安

辛未題余勒詩一章其中空同上如履環石如堵前  
設戶牖洞左有佛宇僧廬右石門從磴數百級上絕  
壁數仞下視滄海與天浮動島嶼皆空壁下一草庵  
老僧定處是夜宿洞中明日晨飯畢下山經石瓢清  
涼甸聚寶峯三里山峯下有道院亦宋所建上清宮  
宮傍石間跨朝真迎仙二橋橋側巨石鏡詩十絕亦  
丘長春書字畫端整余書如夢令詞于右由寶珠山  
八水河十五里登天門山極峻險峯多奇狀如仙釋

擁出山口復有二峯若石疊就高數十仞兩楹相峙  
上逼雲際下瞰滄海峯有丘長春大書南天門三字  
大抵道上之山人跡罕至道釋之外鮮有登陟丘蓋  
宋南渡後避世於此者從天門南下歷數十峯初視  
若蟻壤且近行數十里不絕每峯皆峻大而仰莫及  
者降至麓瀕海上曰韓寨上有聚仙宮碑勒元學士  
張起巖記飯於宮復從西北入山循滄牛澗磚塔嶺  
僧帽石大風口三里河小風口瘦龍嶺清涼寺仙跡

橋金剛峴二十里至巨峯其峯最高而奇周山之峯  
異狀百出徘徊不能去巨峯下數石百仞壁立梯窮  
徑絕有兩石若劈劈處見一竅上聞大聲一僧乘木  
梯下請升遂援之而上由壁中行轉至一茅庵甚明  
潔左有佛宇嵌崖隙甚幽西北羣峯直出其後東南  
海色相映庵前牡丹諸奇花偃松異木從故道十五  
里出海濱循山麓西北行皆平地四十里至華樓山  
下數里至巔松千株皆偃蓋從石隙間深入有萬壽

宮老君殿少憇尋翠屏巖余梯而大書之時已晚宿  
道人庵明日晨起與玉夫尋古遺跡周山之石摩勒  
殆遍多金元人作者從王喬峒至凌烟峒下題同游  
歲月峯隙見海色遠映道人吹笙笛於高架峒上飄  
然有物外之想遂尋金液泉夕陽洞石門山至清風  
嶺題名於嶺之石門又步至華表峯下一曰聚仙臺  
其峰疊石數十仞峻拔且秀竒少焉海中諸島東有  
大管小管車門滄洲南有鮑魚老公車屋大古小古

浮島皆登陟所見者

趵突泉

按圖泰山之北與齊東南諸谷之水西北匯於黑水之灣又西北匯于栢崖之灣而至於渴馬之崖蓋水之來也衆其北折而西也悍疾尤甚及至于崖下則泊然而止而自崖以北至於歷城之西蓋五十里而有泉湧出高或至數尺其旁之人名之曰趵突之泉齊人皆謂嘗有棄糠於黑水之灣者而見之於此蓋



泉自渴馬之崖潛流地中而至此復出也趵突之泉  
冬溫泉旁之蔬甲經冬常榮故又謂之溫泉其注而  
北則謂之濼水達於清河以入於海舟之通於濟者  
皆於是出也

### 沂山

舜肇十有二州封十有二山濬川禹奠高山大川沂  
山其一也周禮職方氏正東青州其山鎮曰沂山沂  
山在臨朐南百餘里即古蓋與朱虛地顏師古曰沂

山在蓋鄭志曰朱虛有東泰山考之水經云巨洋水出朱虛縣泰山鄧道元注曰泰山者東泰山也巨洋水即國語所謂巨水袁宏所謂具昧王韶之以為巨蔑亦或曰胸瀾一水也而廣其目焉西則遠宗岱嶽東則俯視瑯琊山之巔為百丈崖有飛泉下灑曰瀑布左麓為東鎮廟或曰中有堯栢背負鳳凰嶺南有穆陵關界長城書案二嶺之間管仲所謂南至穆陵是也大峴柳龍諸山環其左石門仰天逢山繞其右

嵩胸委粟奠其北金泉瀾水經其後斯則沂山之靈  
秀為東方之巨鎮也自虞夏有望秩之典至周有埋  
沉之祭秦祠加車乘騶駒




泰山之圖

欽定四庫全書

圖書編

三





北

王皇頂

大龍口

白鶴泉

升元觀

鄧都城

觀音堂

北

月觀峯

西神窟山

眼光殿

青帝廟

醴泉

靈派寺

觀音堂

仙人峯

板書湖

普照寺

天書觀

醴泉

靈派寺

靈派寺

靈派寺

大治

秦觀峯

回鴈峯

百丈崖

龍王殿

天書觀

醴泉

靈派寺

靈派寺

靈派寺

靈派寺

三尖山

竹林寺

天紳泉

天書觀

天書觀

天書觀

天書觀

天書觀

天書觀

天書觀

劉盤子寨

仙人影

天紳泉

天紳泉

天紳泉

天紳泉

天紳泉

天紳泉

天紳泉

天紳泉

徽米山

天勝宅

仙人影

天紳泉

天紳泉

天紳泉

天紳泉

天紳泉

天紳泉

天紳泉

天紳泉

桃花峪

仙人影

天紳泉

天紳泉

天紳泉

天紳泉

天紳泉

天紳泉

天紳泉

天紳泉

桃花峪

仙人影

天紳泉

天紳泉

天紳泉

天紳泉

天紳泉

天紳泉

天紳泉

天紳泉

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

長清界

長清界

長清界

長清界

長清界

長清界

長清界

長清界

長清界

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

四里界首

四里界首

四里界首

四里界首

四里界首

四里界首

四里界首

西

西

西

西

西

西

故山

雲岩寺

四里界首

四里界首

# 岱嶽泰山

泰山在泰安州北東方之嶽也一曰岱宗又曰兗鎮周禮職方河東曰兗州其山鎮曰岱山書曰二月東巡狩至於岱宗五經通義云王者受命易姓報功告成必於岱宗東方萬物始交之處宗長也言為羣嶽之長詩曰泰山巖巖魯邦所瞻博物志云一曰天孫言為天帝孫也主召魂東方萬物始成故知人生命之長短白虎通云王者受命必封禪封者增高也禪

者廣厚也皆刻石紀號著已之功績以自效也天以高為尊地以厚為德故增泰山之高以示報天禪梁甫之趾以報地漢官儀及泰山記云盤道屈曲而上凡五十餘盤經小天門大天門仰視天門如從穴中視天窓矣自下至古封禪處凡四十里山頂西巖為仙人石問東巖為介丘東南峯名曰觀雞鳴時見日始欲出長三丈所又東南名秦觀可望長安秦李斯碑篆毀僅存數字吳觀者可望會稽周觀者望見齊



黃河去泰山二百餘里於祠所瞻黃河如帶若在山  
趾蓋侈言也又云山南有廟種栢千株大者十五六  
圍相傳云漢武所種今所餘無幾小天門有秦五大  
夫松尚存嶽頂有秦無字碑人云內有字蓋韜之也  
斷崖數丈唐開元紀泰山銘隸書大四寸乾封年登  
封丈在其右字寸許類聖教序集右軍書為近時閩  
人蓋以忠孝節義四大字盡鑿毀見者痛惜山有丈  
人獨秀雞籠老雅獅子蓮花懸石諸峰百丈捨身馬

棚鵝鶻諸崖石經石壁佛寺鬼椒子鄴都桃花馬蹄  
溪里諸峪迴馬雁飛黃峴思鄉青峰西橫諸嶺牛心  
龍口試劍龍紋虎阜諸石迎陽呂公白雲遙觀思仙  
諸峒玉女王母白鶴白龍水簾諸池又有明月嶂登  
仙臺下有東西中三溪有云云亭亭梁甫杜首肅然  
萬里諸山皆先代所禪者上有嶽廟碧霞仙女祠四  
方乞靈者歲無虛日所施牛羊馬金綺錢帛甚多有  
司掌之歲數萬金山東之財用實資焉

泰山

自濟南往謁闕里回抵泰安公館夜酌景賢曰喜茲  
和照明當同登泰山一覽竒勝可乎余諾之明晨起  
與景賢聯騎出州城北望輕烟薄靄橫帶山腰適叅  
政葉拱宸副使莊尚源邂逅而至遂與偕往北行二  
里過白鶴泉泉出石罅潄滌鼎沸久旱則滲漉距西  
百餘步曰梳洗樓不知泐於何時惟存故址從西折  
北二里有王母池泉甘而冽瀼沸潄不竭不溢鄉

人取水滃雨頗驗又北五十餘步曰呂巖有呂仙石  
像宋時建樓閣埋圮獨荒基破礎猶存今圍以石垣  
其中深林茂草森布蒙密眈眈猗猗頗有佳致至山  
麓時日出扶桑雲霞絢綵目前羣峰錯立遠近異態  
景物之奇似快心意自山麓抵迴馬嶺十餘里羣峰  
對峙截嶺崢嶸勢相噬齧中夾溪流轉騰激洌觸崖  
石激堆琦其聲澎湃濶濶沆沆縈迂數里入汶又有  
巨石大者如輪小者如甕碑碣礧礧偃卧路徑難以

數計策馬單行崎嶇至嶺下是嶺岌業陡絕車騎不可前馳余四人神思覺疲僕從亦有倦色少憩石上飲茗易肩輿穿深林踰大石行可四里陡崖剝削中夾石徑阨陀險阨有石磴可躋復行二里許即宗真宗東封帳宿處曰御幃其地夷衍嘉木榛榛繁陰布地前即深澗黛蓄膏渟水光映天峴石錯雜如斷齧有小魚色青黑浮遊水面臨溪觀之時羅道士獻茶餅余試以餅餌之翕然聚已而尚源投以小石悉潛

去復三里餘至黃峴山秦時有松五株始皇登山封  
五大夫枯沒後人續植者有百餘年老幹拳曲擁腫  
宛若蒼龍勢欲飛騰余四人休憇其下嗟賞竒態又  
行二百餘步曰百丈崖崖音如屋可容十餘人臨

瞰道傍紫蔓青蘿搖綴蒙絡傍有石洞豁訖而黑莫  
測深廣人亦惛憇不敢窺又經石壁峪至十八盤兩  
峰對挿峭削如壁其間累石為徑盤當西南天門幾  
五里遠望如梯懸倚山畔此最險絕易出轎盤道而

上入又門東行數里詣昭真觀易冠服薦祀紫霞元  
君問道士云不知創始每歲春月四方謁者踵至心  
弗虔立致竒報余聞而驗之數矣已即祠後觀碑唐  
玄宗紀泰山銘字大如手歲久風雨多剝蝕其字距  
東十數步觀始皇封泰山制李斯所篆其石埋植土  
中高五尺形制似方非方四面廣狹不等余刮磨垢  
蝕而細觀之總二十二行行各十二字多不可識又  
西行數步上太平頂此泰山最高處上有磐石方丈


廉隅尚整黧色光潤可愛余四人坐石上少頃拱宸  
尚源足疲怯還昭真觀余與景賢蹇裳徑往頂上俛  
瞰羣峰攢簇伏地若培塿獨神霄兩峰嶮嶙特起佳  
花異草含丹吐白者駢羅列布於巖谷靈禽怪獸啾  
鳴嘯號之聲雜沓應耳最為泰山奇勝又有三峰曰  
日觀吳觀周觀余與景賢縱目四顧渺然無極而崧  
華恒霍諸山以及江漢河濟諸水皆可指數誠天下  
諸山莫踰其高時日正午風清氣爽徘徊既久頓覺




神思飄洒迥隔塵寰而不知身踞青霄上也復從頂  
東下數十步有玉女泉水清甘美道士時汲淪茗又  
東行二十步曰龍口泉大石有罅如龍哆其口水自  
中出其流瀾瀾有聲淅然復從險陁南行四十步懸  
崖峽崿絕壑古木蒙蔽余俯身覘之毛髮豎聳有怪  
石形如大匱虛倚崖畔風至搖撼問道士云此謂捨  
身崖人修道從茲捨身入僊境余與景賢深惻道士  
惑世者戕人之生遂命州官塞路徑絕往來崖之西

有五峰嶙峋巉簇其狀若蓮名蓮花峰自西山小山  
折旋而東層嶂疊出泉湧石上奔瀉數十丈縷縷如  
簾名水簾泉其鷄籠諸峰桃花諸峪多有靈跡奇勝  
獨嶺嶠龍從巖壑帶嶠嶠荆蓊交迷路徑不可到從天  
門盤舊道而下至半嶺正夕陽西照回視山色玲瓏  
水光蕩漾樵翁牧子隱隱樹林間恍若畫圖中人物  
欲乘餘興徃徃徠尋竹溪六逸堂故基石守道隱居  
日已暮矣

魯國圖






尼山圖

五老峯

宣聖廟




五老峯


宣聖廟

三



# 國朝闕里廟制







尼山

居曲阜東六十里出城十里左右累累然盡魯漢諸陵去二十里茂林葱鬱中有馬鬣封者顏墓也及二十里餘遠近岡巒秀列隱若龍虎蟠踞環結而為五峰者此即尼山也山下有夫子廟廟東有中和壑南有觀川亭亭下有智源溪匯衆流為川川有坤靈洞俯視之深黑不可入相傳中有石床石枕諸公徘徊久之相與嘆曰天下之大非無名山大川可觀而千

萬年斯文一脉獨肇於此得非天地五行精華之氣  
自開闢初已秘於此一旦吾夫子應禱而生有以獨  
得之盡奪天下古今之秀為人之至又為聖之至也

闕里廟圖

廟之制中為大成殿十楹崇八丈邃有奇廣倍其半  
為左右廡百餘楹後為寢殿八楹前為門四重中為  
橋三殿之左為家廟後為神厨前為詩禮堂為神庫  
又為燕申門殿之右為啟聖王殿後為寢前為金絲

堂又前為啟聖門前左右為齋室室之外為快觀仰  
高二門與觀德毓粹二門而四又左右為鐘鼓樓與  
角樓而六閣之前後為碑亭各四前四亭則本朝御  
製而祝勅諸文皆附焉

闕里

嘉靖二年閏月芬舟抵濟寧問道謁闕里得九川言  
君為主伍寒泉適以部事至偕行甲子發濟寧東趨  
昌平驛六十里又東趨四十里乃至是夕薄公館沐

浴明日早具菜果攜麻姑泉入廟修釋菜禮九川曰  
此禮廢久矣禮畢入寢殿拜鄆國夫人入右殿拜啟  
聖王出觀杏壇壇在正殿前有新杏衍亭出大成門  
觀手植檜孤幹古色若虬旋起未已出奎文閣至大  
中門又至儀門見兩墀栢陰鹿數十皆黃色乳而馴  
却登奎文望之北南東皆山環抱若人冠冕佩玉執  
圭秉笏端拱正揖逡巡於三十里外正南為綱山其  
外為鳧山山之麓為伏羲畫卦所東南為防山其外

為尼山尼山之南為黃山又其外為顏母山為嶧山

為三峰山

亦名車  
稍山

蓋二百里而遙正東為東山其外

為九龍山又其外為鳳凰山為陪尾為蒙山山之南  
為夾谷蓋三百里而近東北為馬鞍山山之夕陽為

夫子刪述所其外為臨樂山為昌平山又其外為龜

山蓋二百里而近正北為九峯山其外為甌山為杏

山又其外為梁父為云云為亭亭為介丘為徂徠至

所聚講為泰山望之烟雲縹緲蓋百里而遙其西則

廓然惟淺壠平阜依稀環抱若宮牆若城郭周遭數十界水曲曲可辨其內為沂為洙為泗其外為漕為洗又其外為汶為濟大抵皆西南流會於今之濟河乃折而東徑徐以入於淮也然沂水出於尼山徑闕里之南西流匯於達泉溢於雩水行七十里入於泗非東出於岱麓之沂山至於下邳行六百里之沂也洙水出臨樂山西北流浮孔林入於泗非出於兗城北之洙也泗水出陪尾山西流徑闕里之北百里強

折而南會於沂入於濟非東出乘氏南東流至睦陵  
行千餘里入淮之泗也汶水有仙臺原山寨村三源  
皆西流合於泰安之下又西流六十里合徂徠源之  
小汶河乃注於洸而南入於濟惟良泉則仰出於黃  
山北流徑東峙羣峯之外以入於泗竒矣九川曰凡  
山皆發於崑崙至於都會山必西峙水必東流關里  
之山環北南東三面而沂汶泗又皆西遊蓋逆矣芬  
曰地勢東南傾而水流焉氣漸盡也中原地氣此其

障與夫黃河排積石入中國衝潰突厥其患不啻獫狁金元非岱嶽諸山東奠之則青徐之境與碣石俱淪矣茲土山水俱逆實啟中國元氣之運故岱於五嶽得稱宗焉而伏羲畫八卦以始斯文孔子作六經以終斯文皆於茲土亦萬古人心之障也九川曰闕里當奎分

漢書云魯奎婁之分野與步天歌言角亢氐為兗州之分野異今以漢書云衛

文徙曹楚丘仍占東壁

東壁衛分野曹楚丘魯地也

然則斯文在

茲其天地之交元氣之會與聖公曰予今日始有聞



矣遂下東登詩禮堂堂舊名延賓又入觀孔聖家廟  
廟前為舊金絲堂基即魯共王欲壞處九川曰事亦  
神哉芬曰不然昔夫子厄於陳蔡大夫而絃歌不衰  
大夫乃感而去共王壞宅時孔氏子孫無如之何亦  
惟金石絲竹是修耳共王果亦感而止故君子貴自  
艾聖公寒泉皆躍然曰子於處憂患之道幾矣已訪  
聖公宅與修士相見禮公固讓廢之日午公留餉設  
酒樂具絲竹有琵琶短篴而琴簫闕焉酒七行罷往

拜顏廟於街之東北有樂亭於前儀門外有古井其  
陋巷在廟之街東南是行也聖公不與既而出城北  
比四里所拜孔林至則聖公及博士聞禮先生亦集  
矣導自漸門入二百餘步為夫子墓土封高丈餘芬  
升之林木深秀無禽鳥聲洙水漾於前綠淨可染其  
西南有子貢舊場時有為除草築室者東南隧道左  
有駐驛亭未入出饗殿前觀二石人四石獸竒古予  
三人摩挲久之聖公曰人則翁仲獸則或以前為角

端然與芳曰獸則外一為神羊

即獬豸

內二為馭馬人

則魏明帝鑄銅列於司馬門外者號翁仲恐墓前石人別有稱或者方相之類與上前門坐少頃九川復引至刪述所距孔林東北亦四里因元有書院九川增大之且易書院名為洙泗講壇壇實據二水之勝而馬鞍山又別委三峯如筆架於前果神秀哉壇後為聖公別墅亦造焉因與之別而往拜周公廟於城之東北其地隆聳蓋足俯瞻北南東三面之奇也公

之後有東野氏殊零落

孟廟墓

鄒本古邾小國兗州之南鄙也至繆公時改邾為鄒  
鄒城東南隅有岡曰文賢其勢回旋掩抱有溝曰因  
利水自巽方而來灌城壕而西之古人傳之曰因此  
山川之秀而孟子生焉今魯國鄒興鄉鄒儒里即其  
地也卒葬於四基山之陽郭璞云邾城東北有嶧山  
嶧山北有牙山牙山北有唐口山唐口山北有陽山

陽山北有孟軻塚在焉今四基山者是也

--	--	--	--	--	--	--	--

# 河南各郡諸名山總圖



圖書編





河南開封府山曰夷山

府城

黑陽

原武

酸棗

延津

黑山

封邱

首

山

襄城縣南史記申公曰天下名山八而三在夷狄五在中國皆黃帝所嘗游首山其一也

邢山

新鄭上有子產冢

禹山

鈞州

狗脊

中

雲壠

密

梅山

鄭

嵩渚

滎陽

敖

山

河陰即敖倉

方山

沁水

開陽

密

洪溝

河陰縣東

界處北接廣武山與

楚漢分

界處

武山與

與

蔡澤

葵丘

考城縣治

諸侯盟于葵丘

春秋

鴻溝

即楚漢分界處

隋堤

即隋煬帝

所築

所築

歸德府山曰虞

永

甘露嶺

寧陵隋文帝幸岱至此甘露降故名

河南府山曰嵩山

登封縣北五嶽之中

首陽

偃

轅轅

華有十二曲將去復還故名漢于此置關女兒宜陽白蘭香神女北邙府城

北連偃師鞏孟津多漢唐陵塚金門永寧竹可筮管天壇山永陵縣西一名壇屋山宋王子

由紀異云早暮有影其色深碧旦則在西直挿天際日高則卧與海接暮影在東先卧後立他山所無也

壇上有仙燈王母洞中有仙藥中巖有仙猫洞青要新白石澠池澗三塗嵩

砥柱陝即禹貢云三門禹鑿通河雞足陝上有虎巖曰鬼門中曰神門北曰人門

雞岷山靈閩山閩鄉熊耳盧氏即禹貢云龍門龕在府南二十里兩山對

峙東曰香山西曰龍石壁峙立伊水中出又名伊闕壁間鑿石龕石佛大小千數王喬洞新安

洞上二木皆化為石而復產枝葉與凡木類

南陽府山曰豫山

城東

杏花

鎮

桐栢

唐淮水

銅山

泌

紫

金鄧熊耳

內鄉

丹崖

其石悉赤

雲秀空

二岫

更峙

霞障若江

方山

即

曰方城

箕山

舞陽

黃城

葉即子

崆峒

汝昔廣成子隱此

然崆峒有三一在

安

定一在臨洮莊周述黃帝問道崆峒

遂言游襄城登貝茨訪大隗皆與此山接

魯山

安

定

一在臨洮莊周述黃帝問道崆峒

遂言游襄城登貝茨訪大隗皆與此山接

魯山

魯

山

峨

眉

郊卧龍岡

府城

西南

汝寧府山曰天中

府城北

亦名天台

山高大餘上土

下石以其在天地之中故曰天中

自古考日景測

分數莫正于此

蟠山

確

石城

信

自古考日景測

分數莫正于此

蟠山

確

石城

信

洪山

遂

羅山

羅

浮光

光安陽

固始

彰德府山曰韓陵

府城東北

賀蘭

磁

五巖

湯險

東涸

臨漳

隆慮

林負大行按恒嶽景最奇絕

黃華

在隆慮山內有三峯名仙人樓玉女臺魯般門其頂突出雲表

名摩雲峯連峙若屏名連屏峯羣峯磊落如仙人聚集名聚仙峯下有黃華谷北巖出瀑布又有抱犢岡

馬鞍山棲霞谷景頗幽勝又有挂鏡臺

鼓山

武安

崇山

涉

流沙嶺

林縣其嶺多沙

遇暴風飛走如流

衛輝府山曰神山

城西一仙翁名

同盟

獲嘉

蘇門

輝晉孫登隱處

朝陽

淇牧野

府城南

青巖山

在淇縣西南上有水簾洞

懷慶府山曰太行

府城北其山西自濟源東北接河內修武輝縣林縣至磁州界縣亘

數十里峯谷巖洞景物萬狀雖各因地立名然實皆太行為中州巨鎮禹貢大恒山至于碣石亦相聯屬

之意王屋濟源縣西百里禹貢底柱析城至于王屋是也以其山形如王者車蓋故名天門

修武紫金孟明月山層巒疊嶂左右迴抱宛如城闕大行之支峯也西有蒼公洞洞方一

丈有天平石光百家巖河北諸郡山之所至隨地異瑩如碧玉然石其實皆大行也修武北五

十里有曰百家巖者以巖白鹿山下百家巖並大行首稍平可容百家故名之麓北行三十里

至白鹿山山之半有白茅寺一曰白雲泉中有石門三鳳嶺西有二泉左曰金沙右曰銀因像異名

山白茅寺東比至石門山兩山壁立盤谷濟源縣北相拒如門下有三潭深不可測盤谷有韓愈送

李愿歸王母洞天壇山北洞盤谷序下淵深莫測

王屋山

王屋山在濟源縣西百里禹貢曰底柱析城至於王屋是也以其山形如王者車蓋故名或曰山伏如屋也又曰山空其中列仙宅之其內廣濶如王者之宮也按龜山白玉上經暨茅君內傳皆云天之內有玄中洞三十六第一曰王屋之洞周回萬里名清虛小有之天杜甫詩憶昔北尋小有洞即此山也其絕頂曰天壇常有雲氣覆之輪囷紛郁雷雨在其下飛

鳥視其背相傳自古仙靈朝會之所世人謂之西頂  
蓋以武當山為南頂泰山為東頂而並稱三頂云夙  
慕天壇王屋之勝顧塵事羈縛恒以未獲一游為憾  
歲乙巳三月十三日乙亥蚤起渡河往游是夕宿元  
武翌日丙子宿武陟丁丑宿覃懷戊寅宿濟源己卯  
晨出縣城西走溝中四十里飯胡嶺又折西南行十  
五里度秦嶺皆行山上逾五里至劔河堡南行又折  
西北行十五里陽臺宮在王屋山之麓唐司馬承禎

修真之所也明皇御書寥陽殿三巨字殿中塑昊天上帝像旁侍十二元辰皆偉麗而白雲道院乃巨寥陽之東曰白雲者承禎別號也宋徽宗嘗游幸其中天尊殿壁繪神仙龍鶴雲氣升降輦節羽儀之屬甚奇蓋開元中人筆殿左有唐大中八年碑上刻睿宗與子微書并送還天台詩入道院見大鑊一徑丈深數尺勝國時物也宮之南有八仙嶺其勢如八仙飭冠佩下天拱揖而嚮陽臺又有仙猫洞燕真人丹成



雞犬皆仙去而猫獨不飛昇至今在洞呼之即應者  
又不老泉皆去宮不遠出陽臺宮東北行下山百餘  
武謁烟蘿子祠祠前有洗參井祠即烟蘿子宅址也  
烟蘿子者晉天福間人世傳烟蘿子佃陽臺宮田苦  
積功行忽一日於山中得異參闔家食之拔宅上昇  
云過祠北行磽道中褰亂藤履危石東西兩山壁立  
千仞風颼颼起巖谷林木間令人震恐磽道中行八  
里復上山坂壘盤曲莫記層數乃循石磴道士導

引入紫薇宮仰視臺殿如在天上至門金書榜曰王  
屋山朝真門門內為天王殿榜曰天下第一洞天又  
上一層曰三清殿面對華蓋山如几案又上一層曰  
通明殿設昊天上帝像殿中環列朱龕貯國朝御賜  
道藏經若干幽有碑數十通皆宋金元時物薄暮酌  
方丈之松菊堂翌日庚辰興為天壇絕頂之遊乃乘  
小山轎僕夫持絙牽輿以上出紫薇宮西上二里至  
望仙坡閱披雲子修煉之跡又上四里至憩息亭凡

登絕頂者至此必飲茗少憩故名其地有仰天池四面高而中凹舊有泉今涸至此則山徑愈峻險轍不可行乃步以上過此則躡瘦龍嶺登一天門曰瘦龍者以山脊之癯如瘦龍露骨也過一天門登十八盤山石壁陡絕旋繞而上至躡雲橋觀烟蘿子登仙石石上有足跡下有澗曰避秦溝又稍上則紫金巖巖之右有三官洞洞前有仙人橋少頃至南天門愈陡絕手攀鐵索以上觀軒轅黃帝御愛松小憩換衣亭

謁玉皇殿殿之東曰清風臺西曰明月臺皆巨石也  
又行數十武至絕頂入虛皇觀謁軒轅觀真君祠乃  
陟三級瑤臺極其遐覽東曰日精峯日始出時晶彩  
爛然西曰月華峯月上時光華先見也於是東望海  
岱西眺崑丘北顧析城南俯黃河如絲如嵩山少室  
隔河對峙咸聚目前下視華蓋諸山卑如培塿竊意  
天下奇觀無踰此者余徘徊久之乃下三級瑤臺偏  
觀古今諸石刻而日已晡矣是夕宿上方院入寢室

將就枕道士走報請觀天燈亟出視之則見遠火如  
流星下上明滅杳無定跡時從行者咸相顧駭異辛  
巳昧爽起觀日始出之景甚竒天既明陰雲蔽翳移  
時頃之霽步至北天門見古松十數株夭矯如虬龍  
環列成行儼如侍衛皆千百年物也遂觀捨身崖志  
心石在東北虛巖之上突出一石濶尺許長丈餘勢  
欲飛墜下瞰峭壑神悸股栗又觀老子煉丹池池上  
有老子祠古碑存焉又二里至李道人庵聞東北有

王母洞與遠莫測人跡罕至元歲時投金龍玉簡于  
此余欲往游之道士曰徑險不可行且有蛇虎潛其  
中乃下南天門一里許游黑龍洞洞前有太乙泉一  
曰太乙池蓋濟水發源處也世傳悉城之山升白氣  
於天落五斗峯化為濕雲自石竇中滴水降太乙池  
云道士曰每歲諸元會日五更之初輒聞仙鐘自遠  
洞中發聲悠悠揚清婉可聽又曰日出沒時間有倒影  
之意

王喬洞

新安有王喬洞在縣西二十里石皆土所成取而破之木葉之形交錯其間若雕刻者盡山石皆然洞之上二木亦皆化石而復產枝葉與凡木類按王喬有三其一乃周靈王太子其一漢葉縣令其一蜀之益都人俱有仙術今未知孰是而神仙之事皆昔固有之矣

霖落山

州西北四十里有山曰霖落寺曰香泉者初自寺莊  
入山門約行六七里峯回路轉得古浮圖亭亭出杳  
靄間清嶂回抱真畫圖也望東北諸峯頂歷蒼穹足  
注絕壑山之椒萬石林立極太湖竒特之狀半空磊  
落勢若飛來蒼巖老栢儼視上下雲烟空翠顧接不  
暇即霖落山也行百餘步徑漸狹束石犖确不能騎  
青鞋竹杖推挽以進還自絕澗底陟西磴道入寺殿  
廢基巔崖上東西二佛龕歲月崢嶸皆開元間物南



瞰哀壑心魄為動王子與客循東崖而下抵霖落足  
仰看青壁斗絕如削今謂之捨身崖者是也少憇轉  
而升東北石磴攀蘿躡鱗度滴乳古崖再折華嚴壁  
下壁磨崖為之作隸書刻華嚴部特精緻可觀字約  
萬數寺僧誕誇時出光怪中鑿巨龕古佛護以龍象  
其香泉自經洞石罅中流出穿雲雷石復從乳巖半  
腹下瀉作瀑布流飛濺叢石間珠跳玉迸盤旋百折  
山藉以潤寺仰以清也西崖對峙老藤怪石出榭樹

間蹲踞騰拏如衆獸相搏望之愕然而恐野人曰此  
獅子巖也其西北一峯天成如臺石徑作梯盤曲而  
上若雌霓掛樹連卷未收即寺之眺月臺也其故趾  
相傳昔魏安王起雪宮於此

林慮

太行之秀至吾鄉西山融結為最觀郡乘載柳仲塗  
居聞僧惟深言天平泉石過衡嶽遠甚明日夙興拜  
韓公墳讀富鄭公所撰碑碑有亭故無損石極美碑

陰有樹如水墨所畫墳皆甃甃所完者尚多兵荒中  
有僧紀公奮身捍蔽卒賴其力宅兆形勢風水家圖  
以為式以為天地間不多見者憑高歷覽又登寺西  
南經閣果極其妙高下陰顯與圖所傳不異也小酌  
遂行林州知州李祐之迂于諸翟晚至州宿萬安寺  
丙寅謁廟學游黃華山和叔送予出郭北門行十餘  
里至其麓皆小石榭楸是日大霜水皆冰人謂地高  
寒較他地早一月榭葉青紅可愛路漸高聞水聲於

灌叢亂石中又數里山益高峯益峻壁益峭澗益深  
路益險水聲益大峯回路轉掩抱重疊使人應接不  
暇澗皆盤石高下為蹬級泉流其上懸而為練激而  
為湍飛花旋碧喧飈洒其漚而為泓者清澈如空  
纖芥可見寺相近屏嶂益奇亂石不可騎過盤石道  
左有水磴作屋其上自麓又十里至寺石柱刻張商  
英絕句詩言高歡避暑事恭字韻叶來字註切其下  
他柱多題刻漫滅不可盡讀大率多崇觀間人少憇

遂入山觀水簾逾三里許遂不可騎矣始見懸瀑如  
練於半天騎留林石間相率牽擁而登焉峻坂微徑  
亂石犖确如梯而無級樛木交錯攀蘿挽條尺寸而  
進賴健卒曳絙于前挽之而登因思東漢封禪記所  
載登太山事此近似焉問俗至否以僧言遠近為喜  
畏又三里許始至有石突出如屏四向無所連着其  
高入雲所謂挂鏡臺也前有盤石疲甚坐其上望水  
簾北崖者僅如匹練下濺崖飛白始濶其西者崖上

垂白亦不過丈許意謂昔人傳誇過實俄從卒持三  
冰柱長五尺許以獻云至簾下得之且盛言其偉遂  
欲即之發火一酒引滿數爵諸生暨從者遍飲之乃  
緣南崖微徑迤邐而西而北坡極陡峻草石皆冰滑  
不可拔足尺寸展移栗栗危甚乃至西崖下水簾內  
仰面望之目力為窮始見崖上之水飛灑散布踈密  
勻整自崖而下至澗底其長不知幾百丈其澗百餘  
尺光明透徹去人尚五丈許真所謂迸珠簾者也負

崖坐石久之折而東至北崖簾下有崑坐數十人簾  
之長又過於西者東邊頗濃厚自巔至地時如團雪  
投墜而散連屬不斷加以動搖飛舞如玉龍蜿蜒狀  
餘皆與西簾同兩簾皆清氣襲人時時飛灑如細雪  
着人面信天下之奇觀也簾下沾灑細草皆為清水  
日夕凝積或聳直如玉筍或披踈如珊瑚蔽崖彌澗  
奇形異狀不可殫記瓊田瑤草殆此謂也西崖下望  
挂鏡臺則培塿矣此山之形奇峯重疊如展畫屏不

知高挂鏡臺又幾百丈周圍環抱而開豁其東臺如  
門屏而位置偏南臺前之山一遮一掩又不知幾百  
重也始坐盤石疑水簾之小蓋遼遠空濶掩映崖石  
淡然而無加以老目茫茫故也北簾之東又有懸瀑  
望之差小青壁無路不能即觀久之循來跡而歸石  
間多蘭臺上石墜於下者皆為水波龍鱗之狀方平  
可愛且乘且步俄至寺前就盤石列壺觴以坐又以  
紅樹及山果如丹砂者與僧所持冰列于前清泉冷



冷非迫於暮不忍歸也復延子敬同至黑竈山寺殿  
東椒壁有梅軒佚老真元癸酉歲所題文字皆奇其  
下殘缺石柱多宋人題名緣石磴登方丈鳴笳小酌  
從者得雄雉炙以侑觴題詩於東壁而出至崑崙東  
二里餘支題龕琢石崖為之有開元十九年蔡景所  
撰碑刻甚精寺前流泉怪石不減黃華寺有巨槐蔭  
地數畝山門有白松皮葉皆異磚塔嵌張商英聖燈  
石刻聖燈寺在西北峯絕頂望之隱隱見其殿宇僧

云蓋四十里之遙余獨乘月登陟坐松下盤石僧有  
普寺者善感篋終日獻藝至是又率其徒按羯鼓笙  
笛鏗鉤交奏迭作於月明松影中清風颯然山鳴谷  
應不知此身之在人世也昔歐謝諸公游嵩山見石  
室汪僧叩厥至論余之游乃得此輩可為一笑不意  
此山秀拔在黃華之右至於水簾之奇偉與夫遮掩  
環抱重疊深遠則不及也二山之泉皆去山數里湫  
入地中東迴過諸翟翟曲宿下洹庚午至鳳寧山山

在洹水之陰峭拔竒秀望之如鳳聳石為兩翼上有  
亭其巔又為亭亭上為屋兩重棟三聖女其上有金  
泰和間碑載赫舍哩氏所建三女則不能究其氏族  
也山多古栢路甚險登之甚勞既至其巔則俯瞰二  
亭若井底坐久風急始徹俎而下過南齋觀丈八佛  
大磚浮屠貯佛其中有紹聖間石刻過槎牙嶺至善  
應宿儲祥宮宮有洞洞有房以甃為之

伊闕

河南府南三十里橫亘一山為禹所鑿引伊水北注  
伊源從閭頓嶺五百餘里四山扼阻至是獨窪且薄  
禹順其勢導之使民得免於魚又不煩重費非大聖  
人精靈與造化爭功能及此乎且丹崖並峙萬仞斷  
裂潺湲中注後世因作技巧崖體遍劃龕居佛佛大  
小不同龕洞淺深宏窄不一競竒呈異星布櫛比不  
能以萬千記名其總曰鑼鼓洞曰蓮花洞曰雙塔洞  
曰水歛洞曰金佛洞激以水聲其流響鏗鏗是名鑼

鼓上旋頂作菡萏瓣是名為蓮花下臨諸瀾勢甚激  
搏立洞口悉收聽之是名為水歛洞上建雙塔洞內  
有金佛是名為雙塔金佛奇莫如鑼鼓盛莫如蓮花  
自鑼鼓蓮花而下石罅中迸湧三泉由金佛直下石  
罅中迸湧五泉山南北有鳳仙乾元香山看經天竺  
潛溪廣化寶應八寺徑口有五龍廟

蘇門山

蘇門山古士率棲焉其著者魏阮籍晉孫登宋李之

才邵雍元許衡姚樞耳然諸皆有祠獨籍不祠也蘇門有九峯山亦竒絕然其上無泉侯趙川亦無川可恨也太行山至蘇門峯萬餘數森森若排劍北寺中有三峯獨竒可三寺各當一竒有一泉繞之流乃其泉數里觸大石輒入地故不至侯趙川予觀三湖之險蓋虎豹之窟而魑魅所宅也西踞壺關北跨陵川東扼林慮上黨有盜賊恒數百騎來則彀弓弩持刀出沒林阻巖谷間號曰青羊白戈云而盤山路石岬

岍嶄嶄行若登天然過此豁然曠川而四面皆山所謂侯趙川也蓋若桃源焉三湖有巨竹翁茂登山西望亭亭緣崖而綠者竹也中湖則有石鏡半規耳而默瑩能鑒天日山河人物焉豈不異哉

### 砥柱

在陝州東五十里黃河中以其形似柱故名禹貢謂導河東至於砥柱即此乙卯往游砥柱離州二十里午食又二十里循河行十里至三門集津三門者中

曰神門南曰鬼門北曰人門其始特一巨石而平如砥想昔河水汎濫禹鑿之為三今水行其間聲激如雷而鬼門尤為險惡舟筏一入鮮得脫者名之曰鬼宜矣三門廣約二十丈其東百五十步即砥柱崇約三丈周數丈相傳上有唐太宗碑銘今不存蔡氏書傳以三門為砥柱州志亦謂砥柱即三門山皆未嘗親履其地故謬誤若此

嵩嶽叙




五嶽均擅天地之竒觀而詩獨稱嵩高惟嶽者何白  
虎通云以麗四嶽之中故高之也其山峙二室環五  
乳列三臺皆屹然天表手可捫星其下大河東注碧  
洛南折竄竄乎枕地軸應天樞五精凝藏矣故降為  
聖哲則申甫生發為義烈則夷齊巢許出秘而為玄  
真則有面壁仙去者皆騰光吐圖之休禎也若夫時  
雨暘祛災沴則嶽之餘耳自昔聖朝明王秩祀擣文  
而騷雅窮竒之士息焉游焉咏焉歌焉皆所以發揮


中極宣洩元靈信疆場明祗組繡鉅觀也斯志也置之几案時一觀焉全嵩之佳勝隆隆在目固不必履登封之趾陟二室之巔而後為遊嵩也


高山圖






# 太室山分圖





少室山分圖







嵩山

至洛陽欲圖嵩山之游二日至偃師縣三日自偃師沿洛河南行五里渡河十里登唐廬陵王墓石表猶存中一牌高大字漫滅不可讀三十里至萼嶺口兩山對峙巖道崎嶇乃唐高宗幸少林寺時所鑿山行八里至其少林寺在少室山北麓有碑後魏孝文為胡僧跋陀建者唐太宗為秦王時賜寺僧教當時寺僧之立功者十有三人惟曇宗授大將軍其餘不

欲受官賜地四十頃此可補唐書之缺少林僧至今以武勇聞所從來遠矣寺佛殿後為講堂堂後左有立雪亭昔僧慧可常侍達摩雪深至腰不去卒嗣其法今僧中稱為二祖出于西廊百步有甘露臺胡僧跋陀於此翻經天降甘露故名西北上山一里至達摩庵殿前有六祖手植栢又上一室門外石刻達摩面壁之庵六大字宋蔡汧書室中塑達摩像案前石高僅二尺廣半之達摩之形宛然其上拭之益顯蓋

庵之上四里有達摩洞茲石乃其九年所面者古謂精神可通金石諒哉回至方丈寺僧文載言經閣後有古槐往視之其高十大圍三十尺文載復誦文潞公游寺詩有五品封槐今尚在之句則其壽可知第未知封自何時也出寺東行十五里折而東北三里至戒壇寺破屋三楹中四碑刻元學士李溥光所書茶榜字徑四寸道偉可愛又旁有唐大歷二年勅戒壇碑寺左百步為會善寺法堂中有後周嵩陽寺碑

後刻云大唐麟德元年移植於此可謂古矣佛殿東偏有泉出自山中東南行時有飛雪十里至登封雪乃大作庚午雪霽東行嵩山近目雪蒙其巔如玉田瑤樹復相帶映其清逼人恨無工畫者如范寬輩以圖之耳八里至嵩山神祠祠在黃蓋峯下蓋嵩山巍然中國之中其周幾二百里羣山拱列有類兒曹宜其秀鍾靈聚為五嶽之尊而黃蓋一峯在山東南盡處其宅神靈尤宜祀之外有亭扁曰草參過客憚於

入謁多展拜於此八門三重咸有古栢或喬或偃或  
俯或歌或屈而蟠或怒而攫或奮而欲騰又或如帷  
蓋之張幾二百株三門內左右列四嶽祠又有降神  
殿壁繪古甫申像歲久剝落謁嶽神殿西為御祠祠  
多歷代碑刻南行二里折而東北又二里北麓入盧  
巖寺蓋唐盧鴻隱處後為僧廬其上四里有盧巖上  
寺聞石壁飛瀑數丈視此殊勝路陡雪深竟莫能至  
辛未登封北三里所嵩陽廢觀其中所存唯唐李林

甫記元五祖堂記二碑及三古栢栢之高皆不逾三丈大可六人圍舊有石刻云漢武帝封大將軍其次亦可四人圍道士云此次將軍也皆形狀怪甚不可圖繪又東三里據山陽為崇福宮其後名萬歲山昔漢武臨幸聞空中呼萬歲者三因即其地建萬歲觀唐更名太乙下山東行一里觀啟母石石旁之祠及唐崔融碑今皆不存按啟母石事見淮南子其說不經後人蓋嘗辨之

欠  
五  
日  
甲  
子  
年  
月  
日



圖書

六  
五

圖書編卷六十一